



La Naissance de Iesus-Christ est annoncée par l'Ange aux Pasteurs de Judée qui gardoient leurs troupeaux.

AINSI que les Pasteurs de Judée gardoient les veilles de la nuit sur leurs troupeaux, l'Ange du Seigneur leur survint, & grande clarté celeste resplendit autour d'eux, dont ils eurent grande crainte. Adonc l'Ange leur dit, Ne craignez point : car voicy, ie vous annonce grande ioye, laquelle sera à tout le peuple, c'est qu'aujourd'huy en la cité de Daud vous est nay le Seigneur, qui est le Christ ; & pour enseigne, vous trouerez l'enfant enuélépé de bandelettes, & mis en vne creiche : & soudain avec l'Ange il y eut vne multitude d'armées celestes loüans Dieu, & difans : Gloire soit au Dieu tres-haut, & en terre paix aux hommes de bonne volonté. Aduint qu'après que les Anges s'en furent allez d'avec eux au Ciel, les Pasteurs dirent entr'eux, Allons iusques en Bethlehem, & voyons cette chose que le Seigneur nous a notifiée. Ils vindrent donc hastiuement, & trouerent Marie & Ioseph avec l'enfant ; puis diuulguerent ce qui leur auoit esté dit de ce petit enfant, dont chacun s'esmerueilla : & Marie gardoit toutes ces choses en son cœur, & les Pasteurs s'en retournerent loüans Dieu de toutes ces choses qu'ils auoient ouïes & veüs.